

COMMUNICAZIUN A LAS MEDIAS

Poschiavo, ils 19 da zercladur 2026

Repower prenda en funcziun ina batteria gronda a Robbia

Repower ha prendì en funcziun oz en la vischnanca da Poschiavo ina batteria gronda. Cun Multiflex investescha Repower en in'infrastructura d'accumulaziun moderna, rinforza il lieu d'energia Valposchiavo e rimna experientschas impurtantas per il sistem d'electricitad da l'avegnir.

L'implant sin l'areal da l'ovra Robbia cumpiglia trais sets da battarias cun containers da battarias, alternateurs, ina staziun da trafo, sco er in sistem da manischar las battarias. L'indriz ha ina prestaziun da 6,6 megawatt ed ina capacitad d'accumulaziun da 14,4 uras megawatt. Cun quai po la batteria arcunar cun ina suletta chargia la producziun quotidiana media da var 1'000 implants fotovoltaics sin tetg.

Segirar la stabilitad da la rait ed il commerzi d'electricitad a curta vista

Multiflex è l'emprima batteria gronda da Repower en il Grischun. La partiziun Trading da Repower po chargiar u stgargiar l'implant entaifer fitg curt temp. Uschia po Repower reagir intenziunadamain sin fluctuaziuns sin il martgà d'electricitad ed en la rait. L'indriz d'accumulaziun cun battarias vegn tranter auter duvrà per servetschs da sistem, en il commerzi d'electricitad a curta vista, sco era per sustegnair la stabilitad da la rait. Questa flexibilitad survegn dapli impurtanza, cunquai che la cumpart d'electricitad da funtaunas regenerablas sco l'energia solara crescha ad in crescher. Lur producziun variescha tut tenor l'aura e las uras.

Poschiavo sco lieu d'energia e d'innovaziun

Per Repower è Multiflex er in project strategic da scolaziun e da l'avegnir. Cun quest implant sviluppa l'interpresa know-how en in sector che vegn a survegnir adina dapli impurtanza ils proxims onns cun la clera ambiziun d'extender vinavant la fatschenta sin novs lieus, sco era da porscher servetschs d'accumulaziun cun battarias optimads per terzas persunas. L'investiziun suttastritga l'impurtanza da Poschiavo sco lieu d'energia e d'innovaziun. Repower ha investì var sis milliuns francs en il project Multiflex.

A l'avertura festiva a Robbia ha prendì part era Giovanni Jochum, il president communal da Poschiavo. En pli è stads preschent Dario Castagnoli, commember da la direcziun da Repower e manader da la partiziun Trading.

Contact

Stefan Bisculm

manader post da medias

t +41 81 423 78 73

m +41 79 372 77 76

stefan.bisculm@repower.com

Quai è Repower

L'interpresa Repower è dapi 120 onns activa sco producenta d'electricidad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Grono, Küblis, Landquart, Turitg e Milaun. Repower è activa lung l'entira chadaina da valorisaziun da l'electricidad, da la producziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricidad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.